

Rapport annual 2021

GIUVENTETGNA CADI



GIUVENTETGNA CADI

Fundaziun "Tür auf - mo vinavon"

Via Sursilvana 93 | 7175 Sumvitg

Telefon 078 673 57 38

info@giuventetgnacadi.ch | www.giuventetgnacadi.ch

Banca Raiffeisen Cadi, IBAN: CH91 8107 2000 0010 1773 4

Era igl onn 2021 ei staus signaus digl enconuschet pign animalet che fa vegnir ils carstgauns malsauns e mintgatton empau vietis. Nus dalla lavur da giuventetga aviarta havein adina puspei stuiu pasar giu, tgei ch'ei responsabel d'organisar e porscher. Nus havein pliras gadas stuiu adattar nies concept da schurmetg per saver porscher vinavon l'avertura dils locals ed ils projects planisai. Sche pusseivel havein nus organisau activitads giuadora. Nus essan loschs che nus havein saviu schar aviert nossas purschidas pils giuvenils e giuvens carschi era duront il temps dalla pandemia. Las midadas e restrenschidas han schon dau empau disturbis ed ils giuvenils ein stai empau stuffientai e frustra dal'entira situaziun. Denton stos jeu remarcar ch'els han giu gronda capientscha ed ein seteni exemplaricamein e cun pazienza vid las directives dil cantun, dalla confederaziun e dil concpet da schurmetg ch'ei mintgagada vegnius approbaus dils responsabels dallas vischnaucas da nies intschess d'activitad.

Ei suonda in per fotografias e la specificaziun da nossas activitads che nus havein menau atras igl onn 2021.

Locals da sentupada

Local Talina a Sedrun, avertura il venderdis sera

Ella Talina «vai ab» sco quei ch'ils giuvenils dian. Per ordinari visetan quasi tuts*tas scolaras e scolaras dil scalem superiuor ed ils/ scolaras*as dil gimnasi claustral il local da sentupada.

Beinenqual visitader*a ei gia ord scola e selegra sin las sentupadas ella TALINA.

Visitaders*as ord scola ston setener vid las reglas da buca consumar alcohol ed auters mieds duront l'avertura dil venderdis per scolaras e scolaras. Menaders*as e giuvenils sur 16 onns san sentupar d'autras occasiuns ella TALINA. Quei cun emplenir ora il formular che sto vegnir suttascrets d'ina persuna maiorena che surpren era la responsablada.

Cun sustegn da genau Daniel Schmid havein nus inoltrau ina damonda alla vischnaunca per saver renovar il local da sentupada che sesanfla el buncher dalla casa communal. Las contractivas ein en rocla. Avon biars onns han pil pli ils babs da nos giuvenils baghegiu ed endrizzau quei local. Ussa ei ina renovaziun pli gronda necessaria per saver ademplir las pretensiuns da standard d'ozildi per in local da sentupada per giuvenils. Per recaltgar daners ha ina grupp d'interess e lavur dalla TALINA organisau enqual vendita da pettas ni autras caussas a caschun da differentas fieras en vischnaunca.



11-09-2021 - giuvnas al stan da vendita a Dieni per recaltgar daners per la renovaziun dalla Talina



20-08-22 - visitaders*as avon la Talina a Sedrun

Local Cons a Mustér, avertura il venderdis sera

Igl onn 2021 ha ei dau negin(a)s novs/as menaders*as che han fatg il cuors da menaders pil local Cons. Il survetsch da survigilonza vegn fatgs dad 8 menaders e deplorablamein havein nus buc ina menadra. Quei alzass forsa empau las frequenzas da giuvnas da vegnir il venderdis sera el local Cons.



03-02-2021 - visitaders el local Cons

Local Pistregn a Surrein avertura il venderdis sera

Igl onn 2021 ha il schefmenader calau da far survetschs da survigilanza. Naven digl onn da scola 2021 havein nus el local Pistregn 4 menadras che s'engaschan per quella lavur. Power da dunnas a Surrein! Ils/las visitaders*as stattan da cumpignia, ein cuntents, contan canzuns romontschas, englesas e tudestgas cun ferma vusch e saultan tgei ch'els pon. Quei ei tut in bi mirar co els/ellas han plascher ed ein activs. Il zercladur 2021 essan nus i in venderdis sera sil plaz da ballareit a Plaun Petschen, quei ha medemamein plaschiu a biars/biaras visitaders*as.



04-06-2021 - ils juvenils dil local Pistregn vid dar ballareit a Plaun Petschen



10-12-21 - viseta da Sontgaclau el local Pistregn a Surrein

Projects:

Halla aviarta: Nus entschevein cun quella purschida mintgamai suenter las vacanzas d'atun ed ils guvenils san ir en halla a semuentar e dar giugs 2 gadas al meins a Trun ni a Rabius. Nos menaders*as accompognan quellas sentupadas tochen las vacanzas da primavera. Igl onn 2021 havein nus, muort restricziuns pervia dil coronavirus, per in temps buca saviu menar atras quei project. Ord quei motiv havein nus prolunghiu quella purschida tochen il zercladur.

Audienza :

Cun maschina e cun setener vid las reglas da higiena hai jeu saviu proscher gl'entir onn da scola la mesjamna suentermiezdi l'usitada audienza a Sedrun ed a Mustér.

Projects realisai:

Ils 09-01-21/12-01-21/14-01-21/16-01-21: **Patinar e hockey a Trun**

Ils 12-02-21/19-02-21/26-02-21: **Patinar e hockey a Mustér**

Ils 08-01-21/22-01-21: **Patinar e hockey a Sedrun**

Ils 27-03-21/10-04-21/30-10-21: **Cuors da menaders*as a Mustér** cun Claudio Eugster ed Ursina Haas

Ils 05-05-21: **Sera tematica, extremissem da dretg a Sedrun**

Ils 10-05-21: **In di culs pumpiers Sursassiala a Mustér**

Ils 23-09-20/12-05-21/18-05-21: **Cuors da pertgiral affons pings a Mustér** cun Lisa Giorgio e Laura Cajochen

Ils 12-06-21: **Fiasta da cumiau per Roland Just**

Ils 18-09-21: **Go-Kart a Magadino**

Ils 06-09-21/08-09-21/13-09-21/20-09-21/22-09-21: **Emprender d'ir cun skateboard a Mustér, Sedrun e Trun** cun Philipp Levy

29-09-21: **Occurrenza publica «LGBTQ+» a Sedrun** cun Holger Niggemann

09-10-21: **Paintball a Cuera**

06-11-21: **Segidar tiel concert da Dario Hess a Trun**



Ils 18-05-21 - surdada dil certificat per cuors da pertgiral affons pings



29-09-21 - occurrenza publica «LGBTQ+» a Sedrun cun Holger e Björn Niggeman

En atgna caussa:

Suenter varga 30 onns sco president e meinafatschenta dalla fundaziun «Tür auf-mo vinavon» ha Roland Just astgau surdar la bitgetta a ses successurs. Roland astga ussa guder sia beinmeritada pensiu. Nus havein d'engraziar ad el fetg bia, el ha susteniu nus fermamein ella lavur da giuventetgna e motivau d'iniziar la lavur da giuventetgna aviarta structurada ella Cadi. Ils 12 da zercladur havein nus organisau ina fiasta da cumiau ensemen culs auters meinaprojects dalla fundaziun per saver engraziar en tempra festiva al Roland per sia gronda lavur prestada.

Igl october 2022 ha Christoph Zingg entschiet sia nova incarica sco meinafatschenta dalla fundaziun «Tür auf-mo vinavon» ed era sco niev plevon dalla pleiv evangelica reformada dalla Cadi. El ei vegnius elegius ella cumissiun sco representant dalla fundaziun. Sco niev president dalla fundaziun ei Robert Cajacob vegnius elegius. Entochen da cheu exequeva Roland Just omisduas incaricas.

La primavera 2021 ha ei dau ina midada ella cumissiun dalla lavur da giuventetgna: Daniel Schmid ha surpriu il presidi da Robert Candinas.

Cumissiun 2021:

Roland Just, president dalla fundaziun «Tür auf-mo vinavon», tochen igl uost 2021
Christoph Zingg, meinafatschenta dalla fundaziun «Tür auf-mo vinavon», naven digl october 2021

Robert Candinas, president dalla cumissiun tochen il davos da mars, delegau dalla vischnaunca Sumvitg

Daniel Schmid, president dalla cumissiun naven digl avrel e delegau dalla vischnaunca Tujetsch

Gabriel Venzin, delegau dalla vischnaunca Medel

Jris Lombris, delegada dalla vischnaunca Mustér

Kurt Wolf, delegau dalla vischnaunca Trun

Igl ei bi d'astgar accompagnar nos giuvenils e giuvens*as carschi sin lur via.

Engraziel da cor a tuttas e tuts che sustegnan nus sin quei viadi.

Per GIUVENTETGNA CADI

promotura dalla lavur da giuventetgna: Gabriela Cabalzar-Lombriser